

**Generalno tajništvo Vijeća ministara Bosne i Hercegovine**, Trg Bosne i Hercegovine broj 1, 71000 Sarajevo, kojeg zastupa generalni tajnik mr. Robert Vidović (u daljem tekstu: **Osiguranik**)

i

**Asa Central osiguranje d.d.**, Trg međunarodnog prijateljstva br.25, 71 000 Sarajevo, kojeg zastupa izvršni direktor Adnan Hodžić (u daljem tekstu: **Osiguravatelj**),

Na temelju Odluke o izboru najpovoljnijeg ponuđača broj: 06-16-3-850-7/25 od 20.05.2025. godine, dana 16.16.2025. godine u Sarajevu zaključuju sljedeći

## **U G O V O R**

### **o pružanju usluga obaveznog i kasko osiguranja motornih vozila**

#### **Član 1.**

- (1) Predmet ovog Ugovora su usluge kasko i obaveznog osiguranja motornih vozila za potrebe Generalnog tajništva i Ureda predsjedateljice Vijeća ministara BiH na osnovu provedenog konkurentskog zahtjeva za dostavu ponuda prema Zakonu o javnim nabavama BiH.
- (2) Usluge iz stava (1) ovog Ugovora podrazumijevaju obavezno (AO, AO plus sa AN i zeleni karton) osiguranje motornih vozila Osiguranika od odgovornosti za štetu pričinjene trećim licima (u daljnjem tekstu: osiguranje od automobilske odgovornosti) i potpuno kasko osiguranje motornih vozila Osiguranika sa uračunatim rizikom od krađe sa sistemom bez učešća u štete (bez učešća osiguranika u šteti) – bez franšize (u daljnjem tekstu: kasko osiguranje) za svako pojedino vozilo za jednu godinu osiguranja.
- (3) Sastavni dio ovog Ugovora čini Ponuda Osiguravatelja zajedno sa uslovima osiguranja od automobilske odgovornosti i uslovima kasko osiguranja.

#### **Član 2.**

- (1) Ugovorne strane saglasno utvrđuju ukupnu cijenu za usluge iz člana 1. ovog Ugovora u iznosu od 14.833,63KM (četnaest hiljada osam stotina trideset tri i 63/100KM) sa pripadajućim porezima, a prema ponudi Osiguravatelja od 20.05.2025.godine.
- (2) Osiguravatelj se obavezuje na nepromjenjivost ponuđenih cijena tokom cijelog perioda trajanja Ugovora, osim u slučaju promjena vezanih za zakonske obaveze, o kojima je neophodno pismeno izvijestiti Osiguranika.

### **Član 3.**

- (1) Ugovorne strane su saglasne da će police osiguranja od automobilske odgovornosti za vrijeme važenja ovog ugovora biti pojedinačno zaključivane za svako vozilo prilikom registracije.
- (2) Premije osiguranja vozila za svako pojedinačno vozilo Osiguravatelj je ponudio u specifikaciji u kojoj su navedene tehničke karakteristike i vrijednost vozila, po osnovu kojih će biti zaključene police osiguranja od AO, AO plus sa AN i bijelim kartonom (sa uključenim pripadajućim porezima) i ista (specifikacija) je sastavni dio ugovora.
- (3) Osiguranik se obavezuje da raspored vozila sa datumima isteka važenja registracija odnosno police Osiguravatelju dostavi odmah nakon potpisivanja ugovora.
- (4) Osiguravatelj se obavezuje da police osiguranja iz st. (2) ovog člana za vozila Osiguranika dostavi Osiguraniku na potpis najkasnije 10 dana prije isteka važenja registracije vozila.

### **Član 4.**

- (1) Premije full kasko osiguranja za svako pojedinačno vozilo koje je predmet kasko osiguranja, Osiguravatelj je ponudio u specifikaciji u kojoj su navedene tehničke karakteristike i vrijednost vozila, po osnovu kojih će biti zaključene police kasko osiguranja i ista (specifikacija) je sastavni dio ugovora.
- (2) Osiguranik se obavezuje da raspored vozila sa datumima isteka važenja kasko osiguranja Osiguravatelju dostavi odmah nakon obostranog potpisivanja ugovora.
- (3) Osiguravatelj se obavezuje da police kasko osiguranja za vozila Osiguranika dostavi Osiguraniku na potpis najkasnije 10 dana prije isteka važenja registracije vozila.
- (4) U slučaju da Osiguratelj izvrši prodaju vozila prije roka utvrđenog za osiguranje i registraciju, za ta vozila se neće vršiti navedene usluge.

### **Član 5.**

- (1) Osiguravatelj se obavezuje Osiguraniku ispostaviti račun (fakturu) za izvršenu uslugu u roku od 7 (sedam) dana od dana izvršenja usluge.
- (2) Plaćanje svake pojedinačne izdate police za obavezno i kasko osiguranje će se vrši po prijemu računa (fakture) na transakcijski račun Osiguravatelja. Na fakturi Osiguravatelj treba naznačiti broj police osiguranja na koju se ona odnosi.

#### **Član 6.**

- (1) Osiguravatelj se obavezuje da će pokriti sve eventualno nastale osigurane slučajeve na vozilima Osiguranika u skladu sa ovim ugovorom i uslovima osiguranja koja su sastavni dio ovog ugovora.
- (2) Ukoliko je uslovima kasko osiguranja drugačije predviđeno, Osiguravatelj je saglasan da u slučajevima kada je šteta prouzrokovana, a radi se o štetama izuzetno malog obima i vrijednosti (kada vrijednost štete nije veća od 5% u odnosu na trenutnu vrijednost vozila), da Osiguranik radi ostvarivanja prava po osnovu kasko osiguranja nije obavezan izvršiti prijavu nadležnoj policijskoj upravi/stanici.

#### **Član 7.**

- (1) Osiguravatelj će Osiguraniku, u roku od 15 (petnaest) dana od dana obostrano potpisanog ugovora, dostaviti neoštećenu безусловnu bankovnu garanciju za uredno izvršenje ugovora u visini 10% ukupne vrijednosti ovog ugovora sa PDV-om, s rokom važnosti: period važenja ugovora + 30 (trideset) dana i sa klauzulom plativo na prvi pisani poziv korisnika garancije i bez prava prigovora. Garancija pokriva naknadu štete i troškova koje može imati Osiguranik u slučaju da Osiguravatelj prekrši Ugovor za vrijeme perioda važenja ugovora plus + 30 (trideset) dana.
- (2) Pokriće iz bankarske garancije ne oslobađa Osiguravatelja odgovornosti sve do namirenja stvarne štete.
- (3) Ukoliko ne nastupi ni jedan od slučajeva koji bi zahtijevao realizaciju garancije za uredno izvršenje Ugovora, Osiguranik će izvršiti povrat garancije za uredno izvršenje ugovora na zahtjev Osiguravatelja u roku do 10 (deset) dana od dana podnošenja zahtjeva.
- (4) Ugovorne strane su saglasne da ukoliko Osiguravatelj ne dostavi garanciju za uredno izvršenje ugovora u roku i na način propisan stavom (1) ovog člana, Osiguranik ovaj Ugovor će se smatrati apsolutno ništavim.

#### **Član 8.**

Ugovorne strane su saglasne da Osiguravatelj nema pravo, u svrhu izvršenja ugovora, zapošljavati fizička i pravna lica koja su sudjelovala u pripremi tenderske dokumentacije ili su bili članovi ili stručne osobe koju je angažovala Komisija za nabavku u postupku koji je prethodio ovom ugovoru, najmanje 6 (šest) mjeseci po zaključenju ugovora.

#### Član 9.

Ovaj Ugovora se zaključuju na period od 12 mjeseci počevši od dana potpisivanja ugovora.

#### Član 10.

Na ostala prava i obaveze ugovornih strana, koja nisu regulisana ovim Ugovorom, primjenjivat će se odredbe Zakona o obligacionim odnosima.

#### Član 11.

Ugovorne strane su suglasne da je u slučaju spora po osnovu ovog ugovora nadležan sud u Sarajevu.

#### Član 12.

Ovaj ugovor je sačinjen u četiri istovjetna primjerka, dva za Ponuđača, dva za Ugovornog organa.

#### Član 13.

Ugovorne strane su suglasne da su ovaj Ugovor pročitale i razumjele, te ga u znak suglasnosti potpisuju.

**OSIGURAVATELJ**

**ASA CENTRAL OSIGURANJE D.D.**



Broj: 06-16-3-850-11/25  
Sarajevo, 16.06.2025.god.

**OSIGURANIK**

**GENERALNO TAJNIŠTVO  
VIJEĆA MINISTARA BIH**



Broj: 06-16-3-850-11/25  
Sarajevo, 16.06.2025.god.